

關名

竹居狹廬

全唐文

卷九百八十二之九百八十五



欽定全唐文卷九百八十二目錄

闕名 二十三

對劉草誤斬指斷判

對造瓦判


對造五齊三酒非九穀判

對公酒後時判

對酒正以水入王酒判

對庖人進炙判

對甲為食官判



對盜酒判

對夢殿上有禾判

對寢延部人判

對詐稱官銜判

對部曲判

對婢判

對買奴云是良人判

對奴判

對奴死棄水中判

對夢冰下人語判

對夢處女鼓琴判

對正室爲門子判

對告密判

對官戶判

對竊錢市衣與父判

對折指判

對病疾判

對卧大夫簣判

對縣君死復判

對男取江水溺死判

對男取江水溺死判

對男取江水溺死判

對溺死判

對溺死判

對同姓爲主判

對主者不杖判

對寢苦枕草判

對奪情腰經服事判

對輿屍謁廟判

欽定全唐文卷九百八十二

全闕名 二十三

對劉草誤斬指斷判

甲雇乙刈草乙睡誤斬指斷請保辜不伏

變古易俗因物造器蓋取諸用有適於時六職五材既攻

金而攻木服牛乘馬亦秣之而策

一作莖

之甲有雇求乙為

傭保徇乎輕篋式供朝夕之資摧以生芻無乖阜養之事

人或因寐譬驪龍而自失指致見傷瞻蟠竦而誰敢遂令

食龜不効空怒子公喻馬元非豈齊莊叟誤由彼已歸全

既謝於垂堂損乃自貽在理孰當於毀櫝保辜之請法未可依

對造瓦判

甲雇乙造瓦口五分畢計其全乙不伏

工商異等埏埴殊制故有質茲土化均貨日中乙也徇業

求傭偶鑿坯而取給甲則溺情豐屋冀如雪一作雲以自潤

雖載弄牀瓦故無取於舉全約以陶穴亦何驚於漉漏且

全毀興訟雇買異儀雇則不可計全買則合徵成算乙之

不伏誠則有詞甲之無良訟宜從記

對造五齊三酒非九穀判

所司造五齊三酒憲司以非九穀罪云歲無餘
和其神人亦在酒醴能善乃事則惟司存故陶器必良既
麴蘖以云備六物式序必黍稷而非馨今者周官列職徒
聞於五齊憲府舉非或虧於九穀尚負罍恥總貽神羞既
無餘之起訴何有詞之能代

對公酒後時判

甲爲公酒後時爲主司所詰辭曰酒材不足

酒以成禮國之大經祭祀賓客咸賴其用甲惟賤伍掌我

金定全庫
九
斯職不率其度旋聞後時水泉必香無傳清苦火齊不作
幾空賢聖主司方詰甲乃有詞酒材不供鼎書難議明庶
折獄君子攸存噬嗑論刑恐貽遇毒

對酒正以水入王酒判

甲爲酒正以水和酒入於王之酒府法司劾其
矯濫訴稱時供六飲以爲涼不伏科

五齊分名陳乎式法六飲成薦差以時序明其有則誠以
無彝率由典常俾克永世是以用光朝覲湛露興詩取備
烝嘗質明行事資以王度入於天府苟或不德亦何專一

惟其酒正職在漿人非作僞以心勞實陳力而就列相時
後動跡匪踰閑師古而行事乃從禮四運其易六飲攸供
佇以稱涼爰資受和俯銀床之露井始汲香泉泛玉斝之
流霞旋開聖酒若三軍之盡醉卽見投醪分八罇之立儀
斯成薦飲炎光在候正有叶於頒冰清虛坐升序將捐於
溽暑官無畱事責乃非宜未覩旌功奚爲蔽善將同矯濫
何至寃誣法司自且不明酒正誠非忤典

對庖人進炙判

乙爲庖人進炙有髮繞之將科罪訴云當有饑

事

相彼庖人政司口實式調玉饌以薦金門屠蒯之德莫如
陳政之讎已作執鸞刀而袒割蟬翼必裁揚獸炭之赫曦
鴻毛罔燎以此而科情則可知况乎鼠穢蜜一作梅申巳申
冤於吳日髮生肉內豈獲譴於唐年請推讎人以雪庖者

對甲為食官判

甲為食官準赦合入五品所司不許

君有充庖臣實司味是掌公餼以供王舉甲周均仲聃位
涉膳夫漢類高祛秩登食監鼎俎斯設刀匕是供屬澤降

紫書榮頒朱組黃香之秩咸以云增潘岳之階獨當不進
所司陋其烹飪黜彼乘軒昔筭餌立誠既加都尉壺餐著
節亦拜大夫以愚所窺合霑錫命

對盜酒判

卓媪翁伯正業卓嘗遭盜竊飲傾釀翁教以多

養猛犬占本滯而翁賓客猥售獨收其利媪

告伯方便取不

媪翁接閉卮酒當壚不逢漢高之過何能大售頻遇畢公
之竊闕煩小盜教其養犬蓋以防人聞夜吠以雖懲在春

醪而頗滯素蟻空汎鄴中之賢者莫傾盧鵲斯喧高陽之
酒徒那至但非抑壓教有緣由獨收當曰非宜方便殆成
無狀宜科誣謗以寘刑名

對夢殿上有禾判

乙夢太極殿上有禾三穗跳而取之得中穗其
友賀云中台之象人告其妖

執古以道格人其經捨而或踰動則奚軌乙位居堯岳名
列漢藩擁百姓一作城之寄乘六夢之吉朱門雄雉虛受冠

蓋翠樓奕奕傍挂烟霄同唐叔之得禾身居大殿異張華

之博物忽踐中台覺後成空賴功曹之來賀失而復得允
蔡茂之高班夫何妖哉古則有矣告人無識其若是乎

對寢延部人判

撫州別駕豆盧安舍正寢延部人乙弗乾公事

稟而後行所由舉不法安不伏

豆盧安幸屬清泰早襲衣冠陪去獸而宣風贊還珠而緝
化題輿就職行聞仲舉之風展驥臨人坐振士元之躅爰
於正寢延茲部人罕言私情但舉公事乙弗乾既奉嚴命
稟而後行論情未越於古風據理何乖於卽事王子之臨

東海雖未贈刀盧君之撫南康終其化鶴所司妄舉將有
昧於條章安既有推詞請從於緘默

對詐稱官銜判

辛詐稱官銜取給州縣所司以偽論不伏仰正

斷

辛在德多涼於朝不齒九班之榮未及三思之志闕如妄
稱爵里之尊以求州縣之給詐難久恃偽果自彰行詐爲
官仲由以欺天見誚言偽而辨少正以差道亦誅前史以
舉其不然在律又繩其有過理宜緘口何恤薄言

蘇軾進對部曲判

已男準格不合取部曲妻違者被繩訴云強幹
言論母弱枝竊將益利未知合利否計欺誣
國家每軫納隍偏憂邊徼在庸微之俗隔良賤之婚千頭
之奴具傳其號百姓之女罕聞其卜故爲罔冒取陷刑書
何強幹而弱枝非愛人而治國議事以制非我博哉斯之
謂宜確乎不拔

對婢判

命官婦女阿劉母先是蔣恭家婢被放爲客女

懷阿劉娠出嫁恭死後嫂將劉充女使劉不伏

投匭訴

阿劉母先從侍兒放爲客女夢蛇納慶先含候月之胎附
馬申歡卽就行霜之禮纔欣執盥仍誕弄埽旣而李善主
君俄驚闔室仲尼兄子欲契宜家遽擁妖妍將充媵婢徒
爲枉抑終見稱張望彼劉閨寧甘誦賦均夫鄭室聊事薄
言論母旣謝萱枝按女卽非桃葉方欲指腹稱賤憑胎索
婢自可以大匹小將古明今劉氏若屬蔣家秦政須歸呂
族據斯一節足定百端

對買奴云是良人判

王丙於趙丁處買奴勤心至家一月餘日乃自
云是良人丙告縣勘是良人科趙丁及奴罪申
州州斷科趙丁其奴無罪

美言可市老經之格言聚人曰財象象之明義王丙室盈
龜貝持貨蒼頭雖挾諸龐之規終成教子之競經三十日
非關買者之憊依三千條須結鬻良之罪趙丁宜從縣斷
勤心難聽州裁彼此攸同斯爲可矣

對奴判

下士有僮指千爲鄰人所告縣斷不應云遇廉

賈五

一作金

之所致州覆無罪

爵以馭賢祿以頒士去嫌守職雖殆亦榮捨道成富在官
所醜况位霑下士利掩上農千指家僮等江陵之橘樹萬
金賈子均洛陽之富商畜伎旣埒於卓孫遇業頗同於翁
伯財之所聚但覺浮雲訟之所興果爲鳴鼓雖州縣兩斷
片折未分而鄰人一言商亦何玷士且同於賈豎州頗昧
於正刑是可忍焉孰爲過者

對奴死棄水中判

丙爲不道魚鼈何親情之不良僮僕是棄愛其有力未聞
削舟之恩欺其遊魂更比懷沙之慘雖不封不樹家僮無
葬送之儀而載沉載浮甲令有棄屍之禁告言不謬刑典
宜申

對夢冰下人語判

得甲爲人作媒云夢立冰上與冰下人語當仲
春成婚乙告甲誑惑
甲以判合爲資行媒是務瞻言匪斧有類因針爰求六夢

之徵告以三星之會微波可託豈脈脈於輕冰仙漢難攀
尚盈盈於一水將同竹鳳之驗有符芻狗之言乙以至人
所無告其誑惑必人同趙壹術等周宣王濬懸刀不聞加
罪仲尼曳杖未陷深憇

對夢處女鼓琴判

乙封侯嘗夢見處女鼓琴而歌曰美人熒熒顏
若茗之華後遂納國人姓為內子御史劾其僭
訴云夢應也

國以定封邑惟利建社稷是衛邦畿以藩乙將度土圭

設其苑序式遵厥度宜立其家鳳凰之兆未期桃李之妖
將至剛柔自應精爽潛通吉以有祥將一作符表神來之兆
庶乎無亂理齊藏往之感位在通侯夢茲處女橫角枕而
就寢見鼓琴而作歌熒熒之詞聞彼魂交之日天天之質
覩茲形開之時六夢之驗若存八徵之候如會納爲太子
誠類小君稱僭欲繩未通平典

對正室爲門子判

甲多諸媵之子乃以正室爲門子令限出入或
入告有違不伏

五常之教以經王道三族之別則辨人倫正昭穆以承祧
分嫡庶而繼代必誠差忒克明敦敘是以微子從禮捨其
孫脂獻公汎愛立以奚齊璧埋太室之庭楚則違命寶藏
恒山之上趙乃知才順之克昌易則生亂苟至於道訟不
可成甲齊其家宅心知訓鐘鼓思樂早聘問名媵姪從觀
仍邀卜姓自殊南陌豈秋胡之遲迴寵若東山卽謝安之
攜賞於是慶徵蘭夢義感桑弧探社金而屢祥列階玉以
分照同石駘之六子庶孽斯聞均衛家之一兒冢嫡其取
受崇立長有以代親詎黜商臣非取厚於江芊寧謀伋子

亦何怨於惠公趨庭既學詩人正室遂爲門子達其禮典
穆以閨門掌政令而攸歸限出入而奚失信居家之理寧
父子之嘻或人所陳深爲未可

對告密判

雍州申綿州告密囚王禮告本州人有謀反行
至散關夜已將半關吏以其夜到不爲開門禮
緣事急遂越關而度至畱守所告關令趙秀并
自首越關事到神都法司斷秀應爲而不爲主
簿批爲不當舉牒議卿判秀當知反而不告下

符科結秀經廉使批訴仰正斷

王禮生於劍表長自巴中身在重關之外心馳魏闕之下
踰岷越障雖効赤誠觸網冒羅遂縈丹筆何者但緣謀反
律有明條本州旣不告言他邑寧且寢默必也同夫兆一作
風火應合控彼星昴何須乘夜犯關侵宵越棧異田文之
徑度不聽雞鳴殊孫龍之縱辨無論馬色雖未詳其五聽
聊請叩其兩端告密縱使非虛越關無宜首免

對官戶判

官戶灸面送掖庭舊有疹疾所由以非五十以

上不許

倬彼舊章聞於白粲嗟夫賤妾隸我丹書當年且欲於役
身稱疾式瞻乎炙面平陽白髮既乏子夫之容應門綠苔
爰閉掖庭之恨薄言之訴情或可哀壯齒之年且殊知命
嘉所由之直筆執法不回想官戶之循涯吞聲未爽

對竊錢市衣與父判

丁竊錢市衣以與父父曰邑長如是使詣縣首

丁往長問之具以父言長以衣賜其父錢主告

長縱盜

盡敬事親居致其樂永錫爾類將爲色難丁也無良斂怨
爲德殺牲之養猶曰不仁竊人之財誰謂其孝動生悔吝
行乏義方惟彼循良是稱邑長飲冰壺以從政播清風而
成俗用旣戒惡觀過知仁將順一作顧綵衣之歡以原丹筆
之罪雖聚蒲惡子難以法寬而偃草小人或期化理諒從
權而適道豈撫俗以隨時錢主薄言誠稱縱盜宰君善政
可謂勝殘於予何誅將子無怒

對折指判

甲緣木損折枝指謂三疾數足官不許事

甲稟氣陶形偶華胥之代輕軀弱質謝都盧之人不能鑿
井耕田翻乃奔林緣木損其枝指蓋是懸疣雖折一枝幸
祛數外之累卽圖三疾便爲非分之求理不可依宜從告
免

對病疾判

得甲爲郡守賜告養病而出界歸家法司科罪
甲不伏

四岳咨命九土司牧功共理於伏熊期得賢於建隼淮陽
卧理聞汲黯之政譽渤海行歌美龔公之化洽甲官忝列

郡未著能名庭無致仕之蘭院少延年之菊潭濱卧疾雖
比迹於古人潁川流譽何覲顏於今吏膏肓所及知藥石
之無施肝膽具披果祈求而有遂賜告養疾宜輟務於公
庭出境而行何慢官於私第斷非斥吏欽漢相之高風才
不逮人招尸祿之端謗予告賜告議理懸殊應爲不爲自
貽諸咎不敬之罰曷所逃刑

對卧大夫箒判

甲寢卧大夫箒執燭者請易竟不改而卒

喜怒不時患生腠理營衛失度疾起膏肓是以長卿文園

空傳封禪之草劉楨漳浦亟聞埋玉之悲人誰不亡道貴
從正身苟正矣哀亦何傷且衛臣不祿猶陳尸諫楚尹屬
續城郢爲謀春秋書之用旌厥善况銀燭晶晃以流照華
簣輝煥以潛鋪旣不率於典常法宜加於僭擬必因國君
之賜有符曾氏之詢過也非文童子何識

對縣君死復判

縣君死於路所由不以綏復於右不給役車遞
不辭公論還

眷彼縣君征途有疾庚子戒日止鵬生憂辰巳臨年巢鷯

起歎東流逝矣北首長辭遽委魄於松門奄歸魂於蒿里
不祿公館須申皋某之儀屬續私家卽罷求幽之義禮有
明說焉可輒違準例合得遞車所司如何不給但比璧用
刑須窮兩造鈞金察獄必聽五詞公私之節未明左右如
何定罪請更詳委方可要終

對男取江水溺死判

顧乙從母所好令男十五里取江水溺死不爲

之服

子乃因心禮從適變惟彼顧乙德合天地甘旨必在於無

逆承顏克遵於不匱瞻言愛子取汲長江庶南陔之不虧
豈東流而永逝掌玉茲碎庭蘭坐歇顧斯惟疾之憂恐阻
長筵之樂既不彰於臬服誠有切於斑衣雖失禮入刑合
寘彝典而割情循養庶可權宜既竭姜詩之孝無寘蕭何
之律

對男取江水溺死判

顧乙從母所好令男十五里取江水溺死不爲
之服

顧乙行繼人志與美天經嘗申不匱之誠每竭服勤之養

母以不甘井汲好味江流爰將植杖之男當其抱甕之役
異曹娥之父無復還屍均屈原之妻空餘往恨昭瞻前誥
既有同於姜詩詳彼舊章亦何殊於庾季雖云不服欲寘
何辜

對男取江水溺死判

顧乙從母所好令男十五里取江水溺死不為

之服

顧乙依仁植性履孝因心生我之義方深倚廬之思何極
扇枕温席造次無違候旨承顏欽從所好屠雞畱膳不為

執友之賢求鯉探泉兼入鄰家之饌順慈親之旨忘愛子
之勞屬以迴浦生風長江起浪因茲汲引遂見沉淪乙類
姜詩無復弄璋之念男同精衛空搖銜石之悲不服以殤
初疑越禮苟全於孝取叶隨時既有符於古風恐難寘於
令典

對溺死判

甲與乙同舟既而甲懼水自投因溺死其家訟
乙故殺縣斷以疑

語稱有朋自遠易曰朋從爾思同氣相求同舟共濟呂安

之懷叔夜或泛黃河之水王子之尋戴逵亦冒山陰之雪
何以仰止欽賢是慕想彼甲乙道契筌蹄汎漲海之雲若
見蓬萊之樹棹倚砂之日方追河洛之仙旣而智乏謀身
情乖拯物覆舟之慎想伯夷而載虧驚濤之遊歎伯昏而
遂遠三命有極百齡俄謝禍兮難倚寧收轉壑之魂比之
匪人忽覩盈庭之訟尋端指狀於甲誠亦可矜據理詳刑
在乙寧宜寘罪何者禮稱不弔溺者已絕律通人情乙惟
無咎庶從平典用叶大倫

對溺死判

三山房集
甲與乙同舟既而甲懼水自投因溺死其家訟

乙故殺縣斷以疑

鴻爐賦象人壽幾何生榮死哀物類同致晝夜不捨宣尼
與其歎息吉凶共同賈誼發其詞賦眷言甲乙俱涉大川
懸流波而得朋理征棹而云邁乙則同舟而濟宛若神仙
甲乃懼水而投遽嗟沉溺波心乍沒還疑觀影之人泉路
不歸便是懷沙之客然則渡河奏曲曾不爾思逝水沉魂
自招其咎家人有訟虛陳故殺之端乙既無讎難寘惟輕
之典薄訴不伏理合哀矜縣斷以疑殊乖部察以愚管見

釋放爲宜

對同姓爲主判

甲妻亡無主後者乃命同姓主或人告失禮所
由科之

美而無子賦以碩人生也有涯歸乎大夢暫榛栗而方就
據羨藜而何辜眷言於甲倏喪宜家鳳凰于飛八代徒兆
蛟龍中絕一劍空悲扣盆之哀但取傷於對簞懸孤之義
本未徵於夢蘭有歎溘先無以爲後爰邀同姓將陳主喪
三祖思崇五哭攸設永惟哀戚誠則靡捐撫以禮經猶爲

未達且男主婦主之道同姓異姓之儀抑有前聞奚宜此
謬蓋匪慎諸坐貽差互至若婦主必使異姓厥義彰乎外
成反是不思捨禮何立道有取於宗婦事非屬於族人甲
所爲喪誠爲不法哀興弔影雖撫事以傷神迹未吞聲罪
恐餘於滅耳

對主者不杖判

甲卒女子在堂無主喪者命同姓主之喪者不

杖令女子杖所由科失禮

男主女主則異其族苴杖削杖而別於儀良無扈扈之嫌

用竭親親之道承家有託亦何詢於異門繼代或虧乃陳
攝於同姓甲年馳石火光陰坐沉訓絕金籙允嗣非立若
教之餒固冥理而方嗟鄧攸之謠諒天道而多惜桑弧靡
設詎憂嵇紹之孤葛覃在辰空有緹縈之類謝庭窺雪奏
歌詠於常時蔡氏知絃輟娛歡於是日三星尚阻未及有
行五哭斯崇奄嗟無怙喪主旣非棟蓐輯杖固屬標梅同
切昊天寧遺巽位撫禮深達將譴何憑則予一人諒斯取
而不謬惟刑三復宜伏念於無辜

人對寢苦枕草判

何最異我之翰林有前聞矣宜

無二平對
甲雅修士禮為宗黨所敬居斬纒寢苦枕草間
里化之御史劾其惑眾

甲修道訓允乎厥休宗黨稱其有儀閭閻美其惟孝而夜
壑匪固風林多感雖就禮之則俯同纒經之儀而由衷之
心無奪純深之至寢苦枕草抑惟寧戚仁里德門所居則
化御史驄威電發隼視霜雄坐非平仲之仁行問治長之
罪且鄉人化善則寘刑章鄰母興悲欲從何典既有明於
古事亦何滯於今科

對奪情腰經服事判

甲腰經服事既而曰不卽人心致仕而退時謂
非禮稱人蓋善之

出師正邦大易有象率義殄寇春秋則書用乎中行攸往
夙吉以威作慝取渙於羣甲閨門懼凶苴麻纏疚喪則寧
戚義能繼恩痛深倚廬雖授杖以不起政急分閭或執兵
而啟行介以趨軍經而躬役魯侯金革我直以興晉襄墨
纒彼疊而動克壯輿輻能殲豕牙任長子以帥師利元戎
以光濟策勲苟進不卽人心致仕能歸何睽孝體有爲也
無仁乎得反經以合道胡責善以非禮

對輿屍謁廟判

鄭太曾祖亡輿屍謁其家廟人告狂怪

聖人設教蔚在蓬山諸侯立家藏彼粟主豈惟孝子不賈
薦丞嘗於四時亦取孝孫承家咨吉凶於五廟鄭太迺祖
厥德嘉聞有彰良弓克傳投筆從事孝比參也在家必聞
勇超仲由從政何有或胡塵暗塞漢將鳴輦逐金革之威
唯聞死節登玉門之險不見生還輿屍方弟子之凶掃埏
合鄒人之禮所謂去死事生來宜廟謁薄言狂怪何太疏
遺

一曰... 二曰... 三曰... 四曰... 五曰... 六曰... 七曰... 八曰... 九曰... 十曰... 十一曰... 十二曰... 十三曰... 十四曰... 十五曰... 十六曰... 十七曰... 十八曰... 十九曰... 二十曰... 二十一曰... 二十二曰... 二十三曰... 二十四曰... 二十五曰... 二十六曰... 二十七曰... 二十八曰... 二十九曰... 三十曰... 三十一曰... 三十二曰... 三十三曰... 三十四曰... 三十五曰... 三十六曰... 三十七曰... 三十八曰... 三十九曰... 四十曰... 四十一曰... 四十二曰... 四十三曰... 四十四曰... 四十五曰... 四十六曰... 四十七曰... 四十八曰... 四十九曰... 五十曰... 五十一曰... 五十二曰... 五十三曰... 五十四曰... 五十五曰... 五十六曰... 五十七曰... 五十八曰... 五十九曰... 六十曰... 六十一曰... 六十二曰... 六十三曰... 六十四曰... 六十五曰... 六十六曰... 六十七曰... 六十八曰... 六十九曰... 七十曰... 七十一曰... 七十二曰... 七十三曰... 七十四曰... 七十五曰... 七十六曰... 七十七曰... 七十八曰... 七十九曰... 八十曰... 八十一曰... 八十二曰... 八十三曰... 八十四曰... 八十五曰... 八十六曰... 八十七曰... 八十八曰... 八十九曰... 九十曰... 九十一曰... 九十二曰... 九十三曰... 九十四曰... 九十五曰... 九十六曰... 九十七曰... 九十八曰... 九十九曰... 一百曰...

欽定全唐文卷九百八十三目錄

闕名

二十四

對里尹爲主判

對著服六年判

對著服六年判

對哭子哭夫判

對哭子哭夫判

對父在杖堂判

對練祥羣立旅行判

對祥鼓素琴判

對斷屠判

對屠龍判

對射牛判

對驅犢蹊園判

對殺牛判

對為父殺牛判

對不埋狗判

對射猿判

金定全唐文 卷九百八十三 目錄

對死官鷺判

對斷屠月殺鷺判

對養賈兒判

對爲哲族判

對殺鳥獸判

對解鵲語判

對神爲異聲判

對解牛鳴判

對覺龜判

對家貧致墨判

對元衣判

對讀衛生經判

對太倉耳缺判

對粟氏爲量判

對度判

對斗秤判

對貯藁判

對磴分利不平判

對鏹樹為杯椀判

關名

對鏹樹為杯椀判

鏹樹為杯椀判

鏹樹為杯椀判

鏹樹為杯椀判

鏹樹為杯椀判

鏹樹為杯椀判

[Faint vertical text columns, likely bleed-through from the reverse side of the page]

欽定全唐文卷九百八十三

闕名 二十四

對里尹爲主判

乙妹無子寡而死請里尹爲主決曹掾科其違禮訴云其夫無族

喪則有等自辨於重輕禮之所行亦崇於節制乙以天平降戾斯殞其夫則穆伯早亡鄧攸無嗣啜其泣矣何痛如之永懷夫黨無親因求里尹爲主禮則然矣人何非哉且決曹所稱亦何加止蓋以喪也寧戚禮則因情姊憂去官

見稱於陳重弟服去職著美於譙元斯則事之有由

一作猷

對著服六年判

兗州人平辯受業於田才才亡辯著服六年廬於墓側刺史以爲違經越禮妄造異端禁錮三年辯妻遣女上策稱冤廉察彈刺史刑獄不當

不學牆面先哲之格言以德潤身前賢之令軌孔子要道逐楊震以西來馬融門生隨鄭元而東去田才地鄰鄒魯俗富詩書水接沂川家傳禮樂白圭無玷孤標席上之珍

黃金可輕獨貴林中之寶乎辯伏膺道術企足風猷訪顏
子於淹中得田生於稷下葉抽槐市鼓篋筭而踐緇帷花
發杏壇整襟裾而趨絳帳一登閭閻幾積寒暄知十之業
旣宏在三之敬尤重專門春誦高臺於是忽傾負杖晨歌
梁木由其遽壞荒階積雪徒觀東郭之蹤逝水驚波無復
西河之氣師資之禮痛貫幽靈伏道之誠悲深卉木茸苦
廬於墓側製麻服於塋前檀木遷移葭灰屢變墳抽細草
撫書帶而增悲牖挂殘絲拂琴絃而永慕刺史褰帷魯國
剖竹雩壇馮熊軾以宣風樹隼旟而展化以爲非禮將作

異端不樹甘棠之陰翻行叢棘之酷昔門人子貢廬於孔氏之墳弟子叔然制彼鄭生之服六年不釋於禮稍乖三載錮身在情何忍但以事符公冶繫犴獄而多年命比緹縈仰鳳闈而長叫廉使郵星整俗驛傳宣威正豸冠以觸邪下烏臺而肅物女旣陳請使又彈非霜簡載馳雪身無路兩頭今旣發覺一面何使逃刑宜降朱轡用直丹筆

對著服六年判

兗州人平辯受業於田才才亡辯著服六年廬於墓側刺史以爲違經越禮妄造異端禁錮三

年辯妻遣女上策稱寃廉察彈刺史刑獄不當
田才地居鄒魯家習文儒業擅籛金道光珍席夙漸升堂
之教早傳藏壁之書學市攸開几筵爰設故得詢疑請益
還如北海之前函丈摳衣更似西河之上平辯雩川童子
闕里諸生常因閉戶之勤豫受專門之業庶祈榮於青紫
希變采於朱藍日就月將罰水疑之恩何極陵夷谷徙頽
山之痛已深舊宅淒清空聞絲竹遺壇寂寞無復琴歌嗟
二物之長收顧百身而莫贖方思重服用表深衷一對松
楸六遷檀栢曩時儒肆喜遇祥鱸今日凶廬悲逢弔鶴論

情雖會於寧戚據理未允於通途刺史職在宣風政乖道
俗沉憂六載亦可驚嗟積禁三年固其未得少女以銜冤
伏奏雅叶於雞鳴大使以糾慝彈豪正諧於隼擊卽宜錄
奏伏聽宸衷

對哭子哭夫判

季氏夫子喪哭不捨晝夜鄉人告違禮

季氏令質幽閑秀容綺艷事夫有道荆釵見美於梁鴻訓
子多方布被推賢於孟母爲善必應天乎不仁三從靡依
兩喪相次歌枕之淚空灑倚廬之望莫依不捨晨昏深符

禮制

一作則

對哭子哭夫判

哭子哭夫事

喪子之親哀情已極喪夫之婦爲怨難勝非無寡鶴之悲
豈息驚猿之痛然喪夫喪子悽感雖同而哭子哭夫禮儀
須別穆伯之卒已有前規敬姜告言一何無識縣丞行罰
之日於禮已違嫠婦自貽之憊在律難恕顧茲刑憲並合

推科

對父在杖堂判

金定全唐文卷之八十三
戊居母喪父在杖於堂上

居母親之喪茹荼飲痛踊既無節哭何常聲悲在其中形瘠於外口不甘味身不安美潘生園裏無復版輿顧氏家中空餘畫扇仙人白鶴遙投士行之前孺子隻雞遠赴林宗之所蔡順有繞墳之感老萊無衣綵之由喬枝未摧桂樹猶茂執倚桐之杖上芝蘭之堂循禮制而多違顧刑書而有犯請歸司敗任便科推

對練祥羣立旅行判

丁三年之喪練祥羣立旅行

丁爲人子持乎喪服身體髮膚不失全生之道衣衾棺槨
無虧送死之儀仰風樹而充窮履霜庭而孺慕鍾創鉅之
悲酷有荼蓼之苦辛壁日不停練期何及毀不減性痛感
終身道在慎終義存追遠人來輒語禮稱忘哀羣立多爽
於事宜旅行有乖於物理二途俱發一罪須科

對祥鼓素琴判

戊祥之日鼓素琴鄰人告違禮

執親之喪行孝之道出入不當門隧升降不由阼階苴纒
在躬溢米充食恨纏風樹痛結寒泉舉號已見於心摧毀

瘠載聞於骨立念親之在土哀親之在外寢唯枕塊居必倚廬隙駟不畱祥期奄及旣除凶制奚鼓素琴示人有終於物無犯食醢猶許奏樂何辜請從雪滌庶符冰釋

對斷屠判

京兆府申奏勅斷屠百姓造罪不止未知合不聖上德合乾坤情深惻隱將廣厚生之道爰崇去殺之文受緩禮於前經懲噬乾於成象三鼙鼓刃有禁班行百姓造罪無令止息京兆以人多結網卽謂臨河以皇上之仁深見寰中之信及論設網之子卽云盡欲求魚得鑄劍之

夫何必皆緣斷馬事煩言上夫復奚疑

對屠龍判

丁以屠龍爲業乙告不經

鱗族惟錯實繁有徒人不知非龍實有智風雲過坎見困
豫且變化逢屯充膳夏后丁以詭俗爲事遊刃非物或異
仁賢罔識悔吝何則犬不言殺前哲良規馬重有功後代
明訓况四靈之貴萬化之資匪惟瑞啟漢年固以仙登軒
帝以屠爲稱豈不作法於涼以律繩之可謂自貽伊感

對射牛判

萬年縣申王祚告侯明射牛明疑狼入圈中齧
牛將弓射狼誤中牛事

三光赫赫牛星紀於北方八極悠悠牛山建於東國錢塘
水上遠浮金鎖之輝蜀郡江前遙沉石犀之影豈止披蹄
戴角玉鞅華鞦南州聞果下之名西域表花津之異固以
禮標極敬大祀資於潔圭易贊神明引重憑於致遠由是
降茲綸綍著彼科條姜牙絕其鼓刀庖丁息其游刃侯明
鄉閭賤品稼穡庸夫常傳甯戚之經久習高堂之法西河
資產希十千而萬計東州奔駿方一日而千里俄而野心

與暴縱目爲災引辭角之雕弓控青筌之箭羽異天弧之
垂象空法向狼之星殊封禪之舊章便爲射牛之事誤殺
不禁著自彘章罪疑從輕聞諸古實

對驅犢蹊園判

乙驅犢蹊丑園丑怒畱其犢乙訴強劫

人守堅貞克終無替苟失廉節其弊斯生乙棲心邱園託
志閑雅忘負鼎之事從扣角之遊徘徊泉石躑躅林草雅
志情遠防微理乖事須正子夏之冠避朱仲之李豈得牽
壽春之犢踐於陵之園人而失圖一至於此丑也奚據罰

彼何深所損既在於場苗取酬便過於佩犢叔時作喻蹊
田罪輕邱明述事奪牛刑重前文已決後見須依

對殺牛判

景告丁殺牛事丁別款景鑄錢州斷盡處極刑

使出從徒

議獄緩死先典攸慎聽言觀色法貴詳平刑罰暫虧手足
無措眷彼丁矣有異里仁見蒲葉之生春無聞曳耒入桃
林之鉅野爰事鼓刀遂令河渚風秋奄沉星彩蜀山路險
不見金生景匪良交遂來相訴芳蘭入詠遽展契於風雲

叢棘議刑幾窮詞於刀筆搖尾求食斯之謂乎朝歌殺牛
理非謬矣方引循環之辨翻露鑄錢之責緬監厥跡奚其
若斯未盡金潭之由更起淮陽之獄州司振藻處以極刑
使者彈毫將爲徒坐諒哀矜而勿喜何輕重其若斯狀外
不推使司得其折衷案中論死州法酷其深文結以徒刑
吾無間矣

對爲父殺牛判

韓孝隨父行牛驚舐人恐損父遂以刀殺牛牛

主論告孝請價賠填事

天經地義道冠生靈立身揚名德光終始見危授命宣尼
以爲美談臨難捐軀馬遷述其遺烈韓孝忝曰人子先隨
父行逢瑩角之初驚似衝燕壘遇奔蹄之暫躍若走秦郊
倉黃貽性之憂倏忽慮庖之患霜鋒一舉若庖丁之刃游
冰鐔聊揮似宰夫之斷割原始雖稱犯罪要終未可論辜
旣符名教之規還申壯勇之節酬價匪虧公理與直有愜
私家庶叶平反之詞以表從輕之典

對不埋狗判

城外多死狗法司責京兆府不埋訴非掩骼時

惟犬守禦居人是安混雞而入坐識於新豐伴鷹而遊行
傳於上蔡是故閭閻密邇音響相聞喧雀成譁表貧吏之
節噬臍起戒陳爲主之誠何畜養之是均而城外之多死
知殃預兆未銜吳相之衣遘斃遄深爲食驪姬之藥流穢
行路彰聞法司舉過從憊事關京兆且敝惟從棄孔聖之
義有虧掩骼候時周公之禮可守二途交戰須定是非執
禮而行斯亦爲得

對射猿判

戊至景乘舟來峽射猿中之黜其職景不伏

沉沉長江巖巖峻峽波瀾沃日嶺嶂橫雲路出東吳卽是
三聲之地途危西蜀還尋萬里之橋顧惟彼景在茲于役
乘流振楫方從赤馬之遊滿月彎弧遂落元猿之影雖同
養由之妙終致桓公之黜於人則事乖親愛在獸則理切
肝腸彼或可傷此何辭黜

對死官鵞判

乙養官鵞多死或告不以人養鳥

池籩大開羽族無算乙忝夷隸職養官鵞諒須盡心能識
其性稻梁可遇蔓藻堪遊浮積水而連羣向長風而鼓翅

遂其棲託終冀繁多倦鸚鵡以樊籠樂鷄鴝以鐘鼓以人
養鳥不死胡爲儻或類茲如何免責且片言折獄自古攸
難理宜再詰是非不可輕爲與奪

對斷屠月殺鷲判

甲以蒺藜飼馱子致死鄰人告斷屠月殺鷲子
丁家輦泥載聞於頭禿黃氏把火旋見於眼傷甲之無良
情則非善以蒺藜而充飼三子俱亡無桃李之垂陰一朝
被告迹符周氏罪挂湯羅循情合科準狀難捨

對養賈兒判

丁養賈兒能馴擾啄人穀不伏賠

丁爲拙好收養賈兒日月淹延羽毛成就逢人不懼遇物
無驚有鴨羣之精神得鸞斯之風彩楚鳥旣非別族吳鴟
亦是一宗未能甘鼠已聞啄穀烏未損物人則何辜卽索
賠填恐非通允丁稱不伏理亦無乖

對爲哲族判

甲爲哲族以十日號覆鳥巢

順時之令則無覆巢作災之禽固資書版陳之禮典布以
人倫苟或在辰克用茲道是以有鴟萃止爰結興於詩人

見彈而求乃寓言於莊叟長沙天性入室貽凶曲阜陳誠
毀巢標喻碧族氏職惟斯掌務乃昭明有均大羅之躅是
忝虞人之効將去妖鳥式徇其義既切惡聲庶無全卵日
號月號之法書而不憊從子從角之規用則斯備周典非
昧方書是懸均射隼於高墉豈巢鷺於外戶將使驚鳴緒
闐疑同反舌之無聲聯翩影搖隨退鴟之不駐事非詭妄
告實欺誣諒稽十日之號難寘三章之典

對殺鳥獸判

今有過而殺傷鳥獸者甲以人成之

大羅以往禮猶因襲豢龍斯廢法亦罕聞自我化及豚魚
仁霑草木放楚王之鵠不咎使乎驚梁君之雁豈誅行者
獸育豐草鳥棲平林一角以瑞於昌期九苞載叶於仁義
瞻言過者豈得傷乎必也百獸異倫六禽殊類稻梁空費
庖厨未供遇而見傷亦何矜其非政捨而勿問庶得令其
惟新甲以人成恐乖中典欽哉惟恤寧失不經

對解鵲語判

乙被告殺夫縣執之訴稱鄰婦不伏其罪郡以
鵲來相告將可爲徵者

道存皆應感至必通能分禽獸之言豈專夷貊之隸公冶
長之縲紲鳥語知非介葛盧之犧牲牛鳴辨數始由人聽
終見物情乙以氣烈剛腸寃深反目素不謹於帷薄終取
敗於嫌疑行茲亂風自抵邦憲徒嫁禍於鄰婦冀逃刑於
我躬屬郡縣察微輕重不濫比夫寔數知來頗類乎方朔
驗茲鴉鵠取効何異於公明古而有徵今也寧惑殺人之
罪按律可求孽乃自作死將誰緩

對神爲異聲判

甲邑里有神爲異聲所不供太陰之弓請科之

訴云掌非武庫

至若日月薄蝕君臣著象夢轉歌於童子聞取幣於嗇夫
伐鼓迴輪有祇膺之事迹陰弓枉矢開救射之規模義雖
責於上公物終列於庭氏藏非武庫救卽羣妖何邑居之
有災見主司之不務殊若在已近欲幸人旣闕五兵之伐
因虧十日之號實忤於典良尸厥官思取義於磔襍請論
刑於徽纆

對解牛鳴判

乙聞牛鳴云是生二犧或告妖妄欲科罪不伏

陰陽不測造化多端故有夷蠻之隸實司鳥獸之語乙波
流未息克廣前書精義不窮旁通異類告稱妖妄欲抵刑
章卽科介葛之辜實恐治長非罪以今况古不坐爲然

對覺龜判

甲覺龜不辨名物將罪之云且覺而後辨

有龜之德徵神爲用稟靈千歲遊質於芳蓮納錫九江彰
名於禮物取其象事知變占事知來然以寓莊周之談
聞曳尾挂豫且之網寧知剗骨緬懷於甲時惟卜人將言
覺龜以考其象理宜別諸名物定乎吉凶俾春夏以宜左

右必順有紊於制實惟伊何欲寘戾焉事可訊者何則取
十朋而分晚弁乃先釁以爲尤參五行以觀兆數雖後辨
而未失覆其兩端願言一問

對家貧致墨判

易人家貧致墨以自給科惰農

藏往知來道高三聖內貞外悔名重九江所以大決狐疑
先定人志焉得捨其三易紊彼六官賜帛無聞仰滑稽而
慙妙致墨多中知僕句之不欺覺筮短而龜長遽變常而
易業雖百錢取給有慕君平而四體不勤孰爲夫子智有

所達鑽祀骨而觀貞神則何施抵凝脂而獲戾且以業爲
兼善才貴多能端策拂龜罪不加於詹尹收罟解網刑請
寬於易人

對元衣判

季冬命元衣督護貞來歲之慶華人作而揚火
以非青純而不致墨執法告闕於太常訴云主
巾笥者之過

道月戒期周乎四海卜年貽慶稽彼十朋華人職在巫咸
用方心而考吉材均季主負圖背而知來拂此元衣異夫

青純有殊命寶何能致墨執法以簪筆彈珠且問九江之
錫主司以巾笥藏骨莫辨千年所畱既虧玉兆之獻須抵
金科之罰徒爲薄訴誰之過歟

對讀衛生經判

甲讀衛生經而知吉凶乙告違勅法司科擅卜

禁刑

圖緯垂文龜著著象聖人操洞微之柄達者究索隱之端
故知盡性窮理惟賢與聖是以魏稱管輅晉有景純卦成
而洞曉吉凶絲發而潛知倚伏此皆竒才出於天骨遠識

符於自然爰逮凡人不干其議所以時忌惑衆勅設禁條
甲雖沉思緯象遊精數術名止齊於庶品道豈同於古人
冒違勅之明文自貽伊戚挂繩非之峻筆何所逃刑然慮
或告不眞法須更審請窮兩造方定片言

對太倉耳缺判

後太倉申左右耳缺大農不稱其任

正月吉日國命旣懸於兩觀同律度量聖典每均乎四時
况天子有司多方取則如或失墜其謂法何但不戒而具
有虞何闕縱令器有隳毀亦宜隨事修補旣羸左右何成

出入太倉乾糾不恪將射隼於高墉大農叨忝厥官失庖

魚於下局且如古今命官都邑

一作都署

聯屬沿革既異主掌

斯殊不可歸罪一官責成一職重詰所謂庶符

一作乎

恤刑

對臬氏為量判

臬氏為量容滿令人概而不稅所司科之

謹其權量義叶順時範彼金錫道成厥器信斗斛而均制

乃鐘鼎而齊功施之以平萬商立之而觀四國罔不以法

貴諸合儀臬氏職在為量功期永啟既改煎而不耗亦自

權而準之莫不審以方圓容之鬴豆炎煙散彩浮紫氣之

光芒洞響函規應黃鍾之宮律深模正典實利生民可以
垂範將來可以行之天下概而不稅雅符師古之蹤按而
將科殊紊平反之道稟氏既無遺失圖囚一作梓匠理合審詳
罰乃有詞刑宜用恤

對度判

內官以竹爲引高廣之數法陰陽宗正以爲不

中世度請科之辭稱事所宜也非無故實

律歷攸同丈尺有準度必慎於圭撮高

一作廣

寧失於分寸

苟昧斯義則非其人惟此內官聯於宗正權量法度無忝

金定全曆文 卷之八十三 其
累之差墨丈尋常豈毫釐之謬允酌故實克循前典既法
陰陽之數固因銅竹之宜科之則非訴者爲是

對斗秤判

太府寺去秋追三市斗秤踰月不送寺以市司
違時徵銅四斤丞梅福訴云九月上旬平校畢

太府官惟度量務切權衡驗寶貝之充盈察泉貨之輕重
校量斗秤甲令有時事屬司存不當踰月瞻言稽緩須實
科條梅福跡淪下列志追前古整輟九江之仙來從三市
之任詞有所屈恐獲戾於錙銖道或可遵豈論憊於圭撮

薄言未息紛紜猶多宜窮五聽之情方按三章之律

對貯藁判

所司貯藁以三千圍為積苦覆無芘防脂切籬合

科何罪

秣馬所資唯草是用徵科百里輸納六閑黃白無差短長

合度貯積之法令條有文數越三千理則多僻從疑作勤

苦覆終闕芘籬施功不同處事彌爽犯既非謬辜不免科

對磴分利不平判

吳丙王丁共有磴納課分利丙云有贖丁云擲

日知分所得無贖

吳丙王丁均期叶契雞鳴求利不憚孟軻之譏馬磨自資
更殊許靖之操市道難固財交易竭競斯升斛顏寧厚於
指困徇彼錐刀魄無慙於碎璧或陳其有贖許以無厭或
掠以浮雲稱斯擲日日有修短關諸至期利有盈虛定乎
宜分理應各得何假相尤然質劑既未研詳刑名豈能懸
斷更尋枝派方悉根源

對鋌樹爲杯椀判

得甲鋌榆樹爲杯椀出賣鄉官責其游手惰業

七農工商孟堅陳十志之本水火金木箕子載五行之數
悠悠羣動各有定業明明財利爲謀不同惟甲肖形運乎
天巧旣勤事於賈豎且効功於匠伯加以是揆是度掎漢
社之星榆乃剗乃鏟揮郢人之風斲杯非承露未立雲表
椀殊鍊藥空候淮南徇錐刀之小利損耕桑之大業若斬
伐愆時未符周禮如彫僞不作自陶魯政夫除害興利禁
末勸農罔或奢巧實防器玩器不涉於無用賣有濟於時
須雖慙敦本之俗難加惰業之罪幸殊游手宜寬祝面

既學漢本之命雖以許業之罪華叔無手宜其勤也

未備其同友春所實計器其器不亦其無以實其然其

外強其未符既斷其風斷不計自與曾其夫制其與作其

其核其藥室其封其南其華其之小其能其藥其之其業其其

其之其能其其其其其其其其其其其其其其其其其其其

其其其其其其其其其其其其其其其其其其其其其其其

其其其其其其其其其其其其其其其其其其其其其其其其

其其其其其其其其其其其其其其其其其其其其其其其其

其其其其其其其其其其其其其其其其其其其其其其其其

欽定全唐文卷九百八十四目錄

闕名 二十五

對村人借罐判

對有五熟釜判

對告家有九龍鼎判

對執蒲葵扇判

對並冠兩梁判

對禁楚製判

對權衡判

對引漏水判

對得亡印判

對獲古鏡判

對斫街樹瘿造枕判

對造削判

對削金判

對好鈎判

對皮判

對戒豐判

欽定全唐文 百八十四目錄

對私制九章判

對斷錦繡判

對水石類銀判

對磨錢判

對無名錢判

對拾遺錢判

對鑄錢數倍判

對鍾官所鑄判

對母子權判

對織素判

對練不宿井判

對黃潤判

對龍輔判

對開銅坑判

對開銅坑判

對開銅坑判

對開銅坑判

對開銅坑判

欽定全唐文卷九百八十四

闕名 二十五

對村人借鐘判

村人借鄰家鐘未出門打破人索陪云未離本

處準令合比附

變古易俗因物造器稽六爻之文蓋取諸益司百工之事
無或不良惟彼村人幸參比屋既借鐘而攸要非抱甕而
爲勞出門未覲於同人繙井先驚於敝漏雖罔離厥所而
謹自己招異管寧之深仁愧林宗之妙賞且官之議事貴

在量情忝曰村鄰得來得往詳其故誤有重有輕向若狹
肆通闔修街隘路咽綺城之歌舞暗紫陌之烟塵物雖見
盪夫何足咎况屬荆扉寂寞蓬徑蕭疎破由彼已孰當毀
積事匪因人爰煩投杼勒酬半價良謂合宜盪物容據減
條損器何援比例輒云不伏深覺詞游

對有五熟釜判

封君有五熟釜而銘其口鄰人告違曰嘗有所

賜

書功旂常然後克類分命彝器則惟其賢知三賜之有恒

故百代之令典瞻言彼乙齒我封君開國承家方列土之
貴元袞赤舄見諸侯之禮嘉孔生之居衛三命益恭躡鍾
氏之仕曹五熟云錫車服必班乎國命釜銘何恤於人言
出話不然覺善鄰之滕口有孚勿問驗所錫之徵人必也
正名此焉無咎

對告家有九龍鼎判

是賢告耳孫家有九龍鼎歷代寶之恐非人臣
所宜蓄

天子建德是班宗彝諸侯立家爰受分器業盛鼎鼎功昭

篆刻若使世濟不泯長子承主宗之規胙土云亡耳孫何
克復之有况光涵一作滔沒泗氣溢歆汾煥彼龍文昭其象
物何速戾於懷璧盍歸休於國寶是賢所告謂得其宜

對執蒲葵扇判

乙常執蒲葵扇於盛暑人多效之或告妖衆

服玩垂則歲時交進韞狐白以禦冬裂紈素而清暑由是
五明開製道在思賢七華擅竒思歸錫寵委方圓以呈質
順行藏以適時登用有期著號無算乙行均山仰時聞景
慕執殊方竹非承漢帝之私卽好蒲葵式徇謝安之義事

符懷舊跡逐移風類折巾於林宗寧俟題於逸少將以妖
衆孰謂欽賢宜從三宥之書無陷五詞之罰

對並冠兩梁判

丙爲大官令丁爲博士並冠兩梁御史奏違法

丙云視省進膳丁云崇儒不伏仰正斷

車服以庸弁冕有等必章彩而象位具文物以昭德丁丙
各從王事端委清時遵儒師以奉職率饗人以敬理至於
玉膳將進躬視丹墀之側縹囊一作裘方展危坐青衿之前
雖非官聯乃同其服進賢遂戴有類於漢臣委貌未得且

謬於殷道以兩梁之製觸鐵柱之威巧詞俱飾文過斯在
請詳典式以議科條

對禁楚製判

乙禁楚製 漢書云叔孫通降漢王憎之乃變其服短衣楚製

衣裳楚楚須辨於采章雨雪漙漙以虞其燥溼瞻言乙也

所習伊何異子臧之不衷載時人之將誠同陳咸之所衣

為大國之榮觀製豈變常事仍師古魯之縫掖君子嘉疑

其茂儒楚之復陶當時不以為罪庶窮閱實之典焉實不

辜之刑

對權衡判

景造權衡以百黍之重爲一銖以三兩爲一大

兩所由科違令訴云調律仰正斷

景職此權衡性諧鍾律八音由茲遂播五聲從此克諧掌

類義和主同尹氏錙銖無失於毫末斤兩匪差於黍累顛

項火正虞典銅衡苟有罪

一作非

宜誠合科結况三兩爲一

大兩未爽於通規百黍以爲一銖頗合於古制將科違令

事乃近於深文訴以非辜理亦宜從告免

對引漏水判

伏

得甲引漏水於衡渠之下乙告違法甲云是金

龍口吐轉注入渠法司以為虛妄科不應為不

七曜成文二儀不測聖人造理璿衡有用為魯侯之金錄

脗合鬼神窺漢史之銅渾有探造化圭撮不謬玉節斯調

晝夜必盡其規天地莫逃其算登臺視朔覩雲物之必書

拂琯移灰識權衡之有度惟甲名當典刻職在挈壺望朱

雁之在時見金龍之吐水雨露時降波結霜盤之中晷刻

相仍流泄衡渠之下在金徒之昧職徵玉典而可刑不應

爲而匪爲甲無過也不應告而輒告乙有罪焉請從罰杖
之科以明抱箭之士

固不下對得亡印判

丙拾得亡印而用科罪不伏

車書混同聖德汪濊朝無刻印路不拾遺謫夫主司遂敢
亡失靈龜迴顧疑曳尾於途中神鵲無依遽韜形於私室
丙也行用實爲亂常須寘霜科以懲日拙

對獲古鏡判

甲遊嵩山獲古鏡文彩極異陳於縣縣宰因窺

拏忽破甲訴闕進令科誣罔

君子効官豈輕舉措下民編戶須任指揮甲於維嵩得之
古鏡宛轉盤龍自多符彩翩翩鳩鵲是懷納用先呈銅印
宜照舞鸞旋臨玉掌坐如半月昔年挂竹應寵全形今日
翻菱惟看碎影裂非因墜是則難誣破不緣擊欲尤誰過
但空桑之里尚且移人歷陽之都猶聞化鼈况時經歷代
固不可量物罕保常能無自損難爲照膽理可緘心仍敢
浮詞尚論闕進事同慙豕累匪厚顏何得牽迷公爲嫁禍
令科其妄終非慎罰

對斫街樹瘦造枕判

人有告木竒斫街樹瘦云擬將造枕進金吾劾

入司軒業之

通衢四會竒樹衆鬱布夏葉以成帷聳雲柯而似蓋日來

月往鳥剝蟲穿或擁腫而不材未施功於匠石或輪囷而

載瘦疑見題於杜預相彼木竒心規草竊揮雪鋒而斯就

抵霜簡而何逃事有可通情或宜恕按以刑典恐多違於

獻芹原其情志夫何妨於進枕枕雖未造誠即可嘉伊此

木竒造進生於意表欲申芻議賞罰懵於愚衷請更斫根

庶寬抑曲

對造削判

丙居魯造削遷鄭而不良所由科罪訴云非地

氣

聖人豐功明著能事作程無資於苦窳爲度必禁於回邪

俾夫越鑄燕函人能爲也宋斤魯削器得良焉丙隸百工

人居肆業鑪開夜火已流朱雀之輝竈發晨烟將視赤龍

之術所以洗削之妙精竒於土風遷徙之殊理睽於分野

鄭刀豈同於魯削難以厚誣周令將入於漢刑實乖中典

觀乎獨斷未息羣疑請寬書牘之辭謂審懸衡之要

對削金判

甲爲削金居其二或糾之曰欲新而無窮也不

伏斷罪

精鋼旣鍊器用爰備或賦斯一鼓或徵乎九金俾人興行
其利則博瞻彼甲也居無異聞四人各業夙承於良冶百
工居肆更列於周官而運思無窮成能有則光如濯雪豈
徒陽劍之竒思逸言泉遂入青編之用雖用之日久若新
發於矧妙符鉛錫之宜不假磨礪之助或人相糾深謂無

稽而我有辭當從不濫

對好鈞判

睦州刺史齊顓好鈞廣召巧工有能為鈞者賈
金五鎰新安縣主簿錢本造鈞殺其二子釁之
以致於顓從顓索賞顓不與云蓋是常鈞憑何
索賞本乃抱鈞泣呼其子名鈞遂飛著父背刺

史科妖妄罪不伏云有節

疑作前聞

齊顓承榮梓闕作鎮桐廬化洽循良行聞棄戟情惟竒古
方欲好鈞未宣邵伯之風且倣吳王之躅錢本雕鐫擅美

冶鑄標能盡思侔於宋弓窮神等於越劍纖形孕玉疑懸
秦女之樓曲影分鈞不若任公之釣於斯殺子何謝燔妻
既極巧工言邀重賞彼則識非辨物怪遼豕之從來此乃
道涉幽通惜吳鴻之枉逝鍾心之痛纔結著背之應斯彰
雖頻會於前聞終取驚於卽事刺史學殊該博情懼妖訛
莫酬呂相之金先寡陶公之璧初聞或疑孟浪當察理合
推繩何者舐犢恩深將雛調切自可慕茲攜劍聊追五月
之歡豈得同彼釁鈞遠天百年之命既虧天性須寘霜科
請歸叢棘之曹速按鞭桐之罪

對皮判

鮑人恃財信之而枉一方急有司繩其不任人
云舉直錯諸枉者平急者正何患乎不任

周禮是視鮑人爲韋樹之列司成乎致用劍革則武豹斯
別爲鞞乃犬羊不分眷也云時載理其職將以察其所以
觀其所由引之而伸厚薄斯在信之而枉緩急自明或令
雀弁之儀其服奚設烏澗之政取佩寧堪非爲合度之資
招其不任之責將議其失猶或有辭稱使枉者能平當亦
化惡爲善更請閱實然定攸宜

全當錄 對戒豐判

施道安有戒豐人給之是不祥物遂命棄之因
取以告縣

惡盈好謙天人同道備物致用器象攸明作必有孚服以
爲度有而不珍越人何臧於章甫貴而見薄楚國誰信於
方暉人之無良巧言斯構殊魏瓠之竒質何生濩落之嫌
異班扇之恩情徒假棄捐之阻且言行之表信德之符或
人給之行可知矣竊物爲譽信其謂何愚以見疑施氏有
誚於矇瞽取爲已有告人當坐於詐欺雖謂可珍得而送

縣賞則及爾刑其捨諸廢賞則無勸將來置刑則有懲同
惡名器不假斯之謂與

對私制九章判

乙私制九章重等

車服以庸衣裳在笥豈宜鷩冠好聚不可繁纓以朝司服
爲官制章程而有數司儀辨等顧禮命而無違陳之公朝
則斯皇可賦作之私室將有害而家旣越人常且非君命
妄從重等敢此輕然工歌遄死之詩士寘不應之罰合於
至當誰曰不宜

對斷錦繡判

河南府準勅斷錦繡違式之物遂並斷布帛精

麤之異者市胥訴云妨商旅御史劾府擾人

詢於國章經綸有序思我王度軌物無愆苟不率常職司
是舉翼翼京邑作式四方固當棄華敦素亦以提綱正物
欲使錐刀之末濟人不競精麤之制周經是法蓋以事屬
公家使之無爽杜其不軌理亦何乖然市胥以妨商薄言
御史以擾人致劾隨時之義抑卽有之經邦大體宜從府
見

對水石類銀判

嶺南村洞間百姓水石大小類銀因忿爭打戾
按察使科由縣令罪訴云因市易不伏

閩甌地隔粵嶠天嶮五鄰為里辨方言之異華三品稱金
徵土物之惟錯禮不變俗市貴從宜貿遷海壖集朝夕於
泉寶交易嶺徼得關石於他山義在隨時更法於易幣各
得其所和均於類銀既來謀於我人有殊抱布俄必事於
彼眾暫似遺錢打戾為嫌窒惕興訟軺軒按罪瞻繡服之
增華邑宰移風聽琴堂而未靜寘之於理孰謂非宜

對磨錢判

甲磨錢質而取鉛乙告之訴不更鑄
緡鑿爰設銷鑄是司九府匠之以圓方三官因之以文質
雖五銖異制半兩分形龍馬之造化不窮權衡之輕重有
數實惟泉貨校在水衡人之無良公爲不道微漢臣之賜
蜀鎔範成姦非魏帝之夢陳錯磨抵禁立辟自貽於錢府
舉法須密於金科欲無王衍之害曷云非隱將劾劉陶之
議刑其捨諸且取鉛不定其少多致獄孰究其高下欲加
之罪其無詞乎待窮揚可之告緡方許五倫之督鑄

對無名錢判

東門韜訴主司負物吏詰之韜云祖有無名錢
 易象定位尊卑之禮聿修人倫有序貴賤之容斯立布諸
 方策聲塵藹然至若爵列子男恩垂帶礪有謀謁帝方承
 萬戶之榮無種封侯亦受千金之賜陸子囊中之寶已惠
 私門張氏無名之錢且畱公庫東門韜家聲不墜祖德彌
 光想昔日之恩輝恃曩時之寵寄負天絕海槍榆知其不
 逮刻舟刻楫槐木媿其無施仰堂構而未微思必復而何
 已薄言公府方論赤仄之資爰詣主司更訴青鳧之鏹亦

冀雲油露湛先人承元始之恩自葉流根後允奉永平之
賜迹有符於故事理無紊於今時既於古而無虧豈在今
而可抑謂宜從允以叶彝章

對拾遺錢判

乙拾遺錢於路縣科罪云家約俛有拾仰有取
不敢失業

失得者在乎幾悔吝者生乎動苟或之昧其何以行乙乃
妄人不慎厥德既俛拾而仰取亦虛往而實歸路有遺錢
且效漢臣之鄙室而藏鏹庶同猗氏之富在國經而斯濫

寧家約之可遵且揭而書之縣未徵於古制貪以敗類乙
見誚於詩人貽厥孫謀無聞以燕之訓恒有子禍將貽自
掇之刑請糾其違用懲於悔

對鑄錢數倍判

江東諸監鑄錢數倍費使牒令停監司云恐棄
山澤之利而工匠私鑄犯法

貨以通商財以利俗園法施於九府鑄作行於四方輕重
隨時子母由其遞用積流有象泉布所以得名國家立制
經邦稽古爲理用天分地成其阜安之業聖作物覩有其

通變之勞使乎伊何曾不是識專命非據亂常有誅人焉
度哉斯害也已請被刑鼎無擾監司

對鍾官所鑄判

庚爲鍾官所鑄不充歲計工部按其罪訴稱鉛

錫未足

辨方制位大明治國之典立教富人必先因地之利設泉
府列鍾官將欲布金刀之饒盡銅山之積庚以伎能從職
鎔鑄爲勞獸炭炎鑪非烟上出鳧工動扇驟吹傍飛無名
歸張氏之封因寵入鄧通之室自合預圖歲計先備年支

不見請於文符空有辭於鉛錫撫周書而太息有愧川流
披漢史而長懷無聞岳峙仙臺按罪實爲通規主局致詞
憑何逃責

對母子權判

順成方請爲母子權渝其好肉所司下科違法

調以玉燭天運和於四時用以金幣寶貨叶於三品是以
榆花落影荇葉分形有母子之相權見大小之爲利歲用
不足將救青灾秋其以登孰爲鎔鑄眷茲方郡年在順成
稱彼兕觥則叶飲烝之義在其龜貝未詳豐有之期家蓄

三年自流行於紅粟園資九府實抵冒於丹毫守以規模
猶違正典渝其好肉彌阻大同知無不爲何見妄從申請
罪人斯得誠宜寘以科條

對織素判

樊貴使妻織素先示其式而告之曰必如此妻
織遂善於式乃出妻兄訴州特一作判合仍答

貴六十因損一脚履地不得貴不伏訴臺

龜浪披圖地演金夫之卦鵲橋構象天垂織女之星故能
陰陽克諧琴瑟斯和其道且合莊敬表於齊眉其情或乖

忿怨形於反目樊貴飛鳴聖代飲啄昌期預詳結媛之談
早契伐柯之義皇皇受業初未見於拾青軋軋弄機遽有
聞於裂素蜘蛛網戶朝續斷絲蟋蟀鳴階夜催殘織光明
似雪未慙董永之妻皎潔如霜翻學王陽之婦兄莫能忍
是歸妹之無家女既不良何立身於有地閨門險詖醜行
已彰州將科繩罪人斯得有虧於禮善是責之難逃不足
與行何藉跛而能履以郭賀爲州牧用刑而尚寬旣不疑
爲臺郎所訴之何益

對練不宿并判

惟彼組練濟斯軍國或易象賁其淺淺或詩人歌其皎皎
理宜夜懸諸井晝暴於陽何得不務吳門之光坐乖魏闕
之禮所司詰罪雅叶彛章丁則薄言何其厚貌請依司敗
以肅爰書

對黃潤判

乙借甲黃潤示幽閨因被鼠齧甲索比筒乙以
當土無請酬價甲不伏

財以工化物以商通既名竒而可稱於寶異而為玩或有

韜筒比細光越象簞沉藻侷華色迴龍輔貨且難得稱珍
於外土寵無不利取悅於中閨皎皎當窗已生紅粉之艷
卿卿在室復觀黃潤之竒上客驚燒殊裴楷之未識相鼠
斯齧惡蒼舒之啟智緘鐫不固誠毀櫝而亡龜詭異難求
豈登山而採蚌依酬元價無徵本物既非吾土所有請絕
詩人薄言

對龍輔判

張魯私家畜龍輔不獻

萬寓宅心四人各業不寶遠物載沐元風南榮之暄猶思

上獻東流之水必願朝宗所貴者忠誠孰非臣子所畜者
珍物仍在私家况龍輔稱竒鳥篆攸載潛匿不送彰聞有
司雖馬駕鼓車天心廣被而人迷日用物議猶多律有明
文刑故無捨

對開銅坑判

蔚州申管內銅坑先禁採昨爲檀州警發遣兵
州庫無物可裝束刺史判令開銅坑以市物給
兵幕一作募不闕軍機廉察使科違勅

星帶燕郊雲迷代郡地稱卽山之利人擅燒銅之業有勅

頒行無令採鑄頃以胡兵候月或度盧龍之水漢守宣風
載撫飛狐之塞救兵屢發帑藏云空方興計日之師遂有
隨時之義取銅以給在勅誠違應機而行於事有恕馮諼
市義在昔未以為非汲黯開倉於今不言其失斷從違勅
理或可矜

文所姑無鉢

口難無言楚車天以黃姑而人粒日用必難餘多幹育即
念由心式極容於廣解餘而嘉樂外建節聖不廷漢問育
上嶽東流身木必願隨宗也貴者出始婚非丑于故舊未

欽定全唐文卷九百八十五目錄

闕名二十六

對璧判

對穀珪判

對採木判

對橘奴判

對平慮判

對竹判

對盜瓜判

對芋判

對柶子判

對梨橘判

對盜稻橘判

對負甕判

對二月不供宮人炭判

對鑿井獲鏡判

對方領為衣判

對貲次如苴卜得乾坤判

對登城而指專席而坐判

對旄人奏散率木修防判

對常好種荔繼母出服判

對結交四騎獲豹不賞判

對被髮禱斗學盤盂書判

對漆室染瘡緋衣版授判

對萊田徵稅閒人執事判

對損名馬式直講考經判

對父友操杖諸母漱裳判

惟父支熟林前母效棠院

惟歸各無左直歸去懸快

惟萊田婚送間入障事快

惟泰室來燕輪本列對快

惟好髮歸十聖盛五善快

惟慈交四龍蘇修不實快

惟樂我蘇燕歸母出服快

惟真入奏籍率木初初快

惟登庭而昔專氣而坐快

欽定全唐文卷九百八十五

闕名 二十六

對壁判

壁肉倍好太常以爲度失將薦不可

大璞不雕國寶爲貴許田私假諱朝宿之邑秦城可易獻
章華之臺况祀地郊天或充禮物來朝入聘以表威儀然
則聖人制禮特崇於饗薦王者之孝莫先於崇稷而二后
在天聖靈浸遠四時成歲祭典聿修有事廟庭載陳珪璧
太常所主大禮攸存凡厥薦陳須明制度惟此壁禮不虧

玉書色侔截肪肉倍於好同楚人之鄙識妄有疵瑕當魯禮之明祠而致違闕曠其所職不得無辜

對穀珪判

甲受穀珪之節爲使而易行除慝專以和難爲務法司劾之不伏

六節崇儀制參龍虎五瑞分命列自公侯備以寵章異其文質嚴國朝而式序戒原隰而斯皇莫不尚以珪璧爲之制度氣中浮曜本自生虹山下沉暉由來抵鵲擬秦城而韞價邁燕石以推珍璞琢言敷采就無僭起以軍旅恤其

凶荒易行除慝之規結好和難之義咸崇馭下克著彝倫
將忝厥司實資謀政甲摺紳高踐符節光臨旣載馳而飲
冰豈四方之辱命蒲璧云始早逾列於子男穀珪致榮遂
專城於方岳克謹天戒肅將明威居不失中思非出位寧
遑啟處務協仇讎得晉侯之平戎有宣公之靜菖奚爲不
可而欲論刑易行本在剡珪此謬請分陶璧

對採木判

終南山下人每至冬中於山北採木縣以斬伐
非時禁斷人云山南險遠終不可行

節彼南山森乎灌木百工爰度庶人斯採厲禁攸施妄掄
材而必制操斧以進何斬伐之乖宜斬陽蓋取乎陰時伐
陰須在乎陽月古訓則爾今令惟宜若斷彼良斲刻乎服
耜考工有典諒亦難違儻革路載馳析薪負荷藍縷是阻
巖險何階隨時之宜蓋取諸此

對橘奴判

甲有橘奴不書版圖大比被糾訴稱田賦不闕
江皋芋眠盧橘是植珠樹金實含芬吐芳班吏埒富於封
君李衡取方於僮僕詳窺夏策珍味猶錯於包貢式遵周

禮物生必載於版圖何厚產之闕書而薄言於田賦寘於
徽纒誠爲得宜

對平慮判

僧稱院有一株平慮依驗乃是忘憂

王城福田禪宇清界忍草駢植天花亂開裊香雨而增紅
澹祥烟而泛綠徵其種類已備神農之書覽彼芳菲取惑
愚僧之目狀稱平慮驗乃忘憂初欲薦其禎祥終用彰於
紕繆只可樹之於背翫彼芳香何乃言之於公取尤眩惑
足以發周客之笑生燕人之慙未全害於政經不可罹於

刑典

對竹判

衛州申奉勅和市竹州送王芻司法科罪不伏

並仰處分

王者立制諸侯附庸海內之化可宏任土之宜克著軍國
既有彛準州縣非無舊式眷茲鄘衛築新臺於浼浼帶以
淇澳挺萊竹之猗猗雖禹貢分圻尚乎納桔而唐年作賦
送彼王芻旣失奉於芝泥自投刑於棘署司法科罪正叶
其宜輒爲詞訴殊是疎僻且虧効職之方須速謗官之罪

赤靈女對盜瓜判

常州申稱錢客每以種瓜爲業遂被伶人洪崖

盜食其瓜並盡爲客所擒遂作術化出滿田是

瓜客乃放之崖去後了無復瓜客詣縣告崖是

妖賊

錢客家鄰白社業在青門米實蔥花光浮五色藍皮密理

美至三搖長懷洗玉之珍方有致金之望洪崖行乖夔足

道契狼心不能李徑遺冠翻乃瓜田躡履徇茲猿臂因採

掇而全空眷彼龍蹄隨指揮而忽見寧勞宋灌自含冰谷

之文不假曾鋤俄結火山之實錢既迷於術化洪乃集彼
回邪於是釋此妖人將殊盜者初觀帶母似逐仙來後察
空苗疑因夢失幻人爲幻幻已去而無瓜迷者知迷迷既
祛而有悟論妖疑切誨盜情深雖陳莠口之詞莫辨訛言
之實洪崖不在丹筆何施客告未曉真虛崖實未知州縣
更宜尋問方可裁量

對芋判

甲以蹲鴟自業丁告其惰農

我疆我理蓋取其宜采葑采菲止存其善甲以鑿井而飲

耕田而食藝彼芋區安厥蓬戶不知堯舜之力聿求天地
之利有斯而享同計然於范子無悶乃可均沃壤於岷山
鄙哉彼丁好許爲直昧長沮之自樂訝夫子之不勤告以
惰農未聞其可或恐人慙相鼠務彼蹲鴟匪斧析薪頗黷
綱紀則片言難折審慎攸宜請俟三緘方申一剖

對裨子判

柏禽南鄰有裨樹垂枝於家侍兒取以噉禽禽

送官仰正斷

柏禽操深介直期在公清用理於家可移於國東家之棗

昔聞去婦之悲南鄰之婢今見侍兒之執論其嫉惡雖曰
至公究其飾情終為小行所盜不言多少量情應有重輕
請更詳求方可裁斷

對梨橘判

鄭州劉元禮載梨向蘇州蘇人宏執信載橘來
鄭州行至徐城水流急兩船相衝俱破梨及橘
並流梨散接得半橘薄盛總不失元禮執信索

陪執信不伏

榮澤名區長洲奧壤土宜雖異川路攸通故使賈客相趨

乘時射利商人遞委從有之無大谷元光言移汴北江陵
朱實欲渡淮南於是鼓帆侵星俱辭故國扣船忘夕並屆
徐城兩鷁爭飛雙帆不背異虛舟而見觸均鬪艦之相逢
遂使橈逐蘭摧疑建平之梯下棹隨桂折若河上之查來
落果於馬星散傍人由其驚沒一游一泳橘包裹而全收
載沉載浮梨漂零而半失然防慮之術未聞責已而深溺
之弊直欲尤人乍尋似合酬填審細便難允許何者梨因
散失船則共傷若爲梨覓陪過自歸於毀櫓如損船索償
理乃齊於指馬旣非情故徒事披陳

對盜稻橘判

會稽楊真種稻二十畝縣人張辨盜將令訪知
收辨科罪訴楊真盜辨木奴復合科罪

汗泉芳稻風傳十里之香江陵木奴地均千戶之封青花
竟吐色亂烟波朱實方成影分霞錦楊真張辨植業營生
楚旣失之齊亦未得且覆車改轍前代之通宜牽牛蹊田
往賢之深誠豈有一彼一此俱行盜竊之心以公以私深
失是非之路鍾離牧之推讓曾不畱心淳于恭之助收豈
知勵俗論犯雖知先後語罪諒乃同歸請勘兩家之贓方

定片言之獄

對負甕判

甲甕負被乙盪倒索陪乙不伏

惟彼負徒行者固宜矜避至於顛仆盪者豈其故爲甲且有詞媿林宗之妙賞乙爲無狀殊叔寶之情言謹守旣謝於挈瓶敝漏方憂於射鮒欲令陪價須盡事由必其廣陌修衢往來不接故爲搪突是有常刑儻若狹路重闌風塵暗起誤而擊觸毀亦可矜刑故則罪合宜加捨誤則陪何足算但官之議事貴在量情言盪非故犯之名稱負乃小

人之事勒陪半價將謂合宜

對二月不供宮人炭判

鈎盾二月不供宮人炭請處分

弄田之所鈎盾是司牽絲效官掌炭成務形雖比漆燒則

如金入侍女之燠爐香焚百合處仙人之丹竈巧液千金

變寒作暄轉冷成熟投其鑄冶可以方其造化驗其燥溼

可以測其陰陽充百郡之時須為萬邦之日用二月不供

三章有犯違令抵罪依條請科

對鑿井獲鏡判

鑿井得古鏡不送官司鄰告違法

玉甃浮輝珠星湛耀漢陰舊址方除飾智之心譙國開源
忽遇神仙之兆乙迺劬勞是務穿鑿爲功暫因梧樹之傍
遂覽菱花之照光芒駭目驟裏明心見飛鵲之時來覩迴
鸞之屢舞雖則私獲合送官司愛而欲畱法將焉許自招
其責誰復哀矜鄰人告之雅符公正

對方領爲衣判

甲爲方伯以黃紬方領爲衣丁告不伏

分土建邦地方千里擇賢授職榮加九命將以大煒時憲

欽奉國儀惠康庶績宣揚大化甲為方伯實佩儀章既剖
竹以分憂佇坐棠而行政理宜潛潤德教廣扇仁風用申
象闕之儀以副專城之望何得異文翁之簡化昧朱邑之
廉平擅易長裾忽為方領効韓延之東郡有制黃紬比胡
質之南荆曷無清譽且簪紱之節禮有等威踰矩不祥僭
奢斯咎服之不稱身之為災自投三尺之書須免六條之
秩

對貲次如苴卜得乾坤判

甲貲次如苴乙強力為甲持錢舉半以遺侯家

甲告乙盜用錢乙云望依權力人不敢負又景
之宋卜得乾坤丁告違禁不伏

貨貨山積行役如流四人別其工商六位占其來往惟景
與甲食利遇時等朱公之在陶慕梁生之適越豐其家產
列次於苴觀彼國風將之乎宋小人窺利冀獲浮雲之財
君子于行希就隕星之郡旣假人而出舉實跂予而望之
乙寡貞廉欲附其末旣虧典禮誠不足徵異管仲之處南
陽同孔子之去東魯所持雖則減半將存故未全賒縱見
遺於侯家實無追於殷道徒資權要空遇乾坤據法律而

未通在禮經而無禁甲稱盜用頗涉盜由丁告差違豈爲
差謬文飾其過猶掩耳而盜鐘詰問其源殊疾行而惡迹
乙則有罪景乃無辜彼按三章用肅嚴霜之典此詳五聽
須寬類玉之條狀迹旣造殊途割斷豈宜同罪

對登城而指專席而坐判

甲登城而指乙告其惑衆甲云實無妖言又丁
專席而坐庚遂弔之或以爲失禮庚不伏

禮經爰備喪紀攸設君子行之以立身賢者俯之以合道
理須非禮勿動循不忒之威儀臨而必哀弔有喪以匍匐

甲也未達自貽登城之罪庚也有儀俄驚失禮之謗彼則
戾矣此何誤焉且登而不言既異仲宣之賦弔而未爽無
違孔父之經撫事勞於三思片言申其一割但指則爲惑
何必有於妖言弔其有喪寧可科其失禮向若登而不指
乙告卽曰誣人坐而不專庚弔便爲失禮况理則無昧事
其可觀自邀惑衆之科未闕弔人之禮寘甲之罪斯爲得
歟論庚之辜頗多失矣

對旄人奏散率木修防判

日本請吏賜宴於朝旄人奏散不以鞞爲惠文

冠所持辭云屬鞮鞮氏又柴桑備陽侯修防率
土木丁獨不從曰將俟息壤無何堤成徒告其
妖縣以爲瑞科告不伏並仰正斷

朔南聲教萬國賓王神靈滋液百珍寶用日本歸獻越沙
海而西浮陽侯順流泛滄江而東徙衣冠所列是同於中
外帷蓋其飛有觀於今昔而賜之禮樂飾以隄防歌鐘之
奏已聞土木之功爰事將使陳茲禁鞮無差絕國之音乘
彼柴桑有廣通津之備彼而奏發稍失有常此獨不從實
乖於衆遽彰糾禁幾抗成詞初引罪於鞮鞮竟登期於息

壤職司之分是則可矜妖妄之疑未應爲允惠文所劾旄
人不可寘刑息壤旣成縣斷理宜稱瑞各從案記庶用平
反

對常好種荔繼母出服判

戴子恭平居常好種荔時人以爲不道又曾元
母出不知服

易曰出處語默非一途語曰慎終追遠民歸厚則所好不
等有其面合禮而作難責因心戴恭戴安之餘曾元曾
參之後二十八宿外當處士之星七十二人中有至孝之

性幽寂水石高山景行多所仰止信而欽風絃歌取樂無
忘種荔霜露增感早切采蘭居然傲時遵是繼母春池湛
澹萋已綠風樹蕭條靜復鳴莖葉相依亦謂盛矣岷岵無
托則可親之將備歉歲無情故匣竚期剪緝別偶雙飛將
高竒致化成異物結而爲裳思得其趣不苟制服曷所見
尤楚客興歌江潭可想周公範法日月斯懸彼俗何知正
刑不濫與其嗤誚豈如勿言道存固合賞人義盡理難論
罪

對結交四騎獲豹不賞判

其音曲而南郡元栖好黃老通德結交四騎所由以爲非
以夫安好宜又捕烏鼠獲元豹訴不酬賞其隨處世亦高

乘輅持斧漢家有直指之使烏獸草木舜典標山澤之官
考行議能以先清舉選徒校獵自符月令抱甕矯俗已見
褒升徒搏異物不聞加賞假漢廷之跡猶或心勞越周家
之雄乃聞手格州科妄罪須正本條使稱違式未詳其事
對被髮禱斗學盤孟書判

甲被髮禱於北斗乙告其詛云侯家恐盜又丁
學盤孟書庚相爲引重後遂舉行其罪或止之

甲云以此報德

律防姦慝書垂勸誡有犯無赦德懋必彰載以玉條藏之
金匱使邪妄知禁忠義有憑至如北斗星象東臺祕蹟非
愚庶之所規祈實詞儒之所探練甲被髮以淫禱丁伏膺
以獵精乙摘詛以明辜庚引重以旌譽詰理則事窮討賊
原心則情在崇儒證漢代之浮訛荐彰其蠹習殷時之典
訓載穆其方且祝詛星厯刑莫重焉銘頌盤盂道亦斯在
息夫妄惑其術昔時已滅其身李尤刻緝其詞後世亦高
其旨曲而不離請標疊於詳刑婉而且微聞舉罪以酬德

乙之所訴請寘金科或人止之恐昧前典

對漆室染瘡緋衣版授判

甲逢故人引入漆室遂患漆瘡訴云料理又景

版授刺史著緋袍村正云不合

甲以芝蘭同味早託葵歌景以蒲柳侵年方析艾壽烟火
相接昔是往來雷雨或覃卽承恩造鷄居鶩飲共申東戶
之遊鶴髮雞皮載煦西山之景旣無猜於杵臼遂有奉於
絲絳攜手入門引故人於漆室披襟就服僭常例於緋衣
乙如聶政之容相看不識景方龐統之秩卽事何慙頭面

有瘡自均無過耳目不審豈假論辜拊其訴端堪取笑於
周客詳其告狀欲何罪於堯封染患自是晦明在法寧加
老耄探情未虧於通恕據律不犯於正條便寘嚴霜慮傷
非罪乙與村正咸釋爲宜

對萊田徵稅閒人執事判

萊田舊不應稅縣今有徵納又客戶閒人請移

執事

國家分出輜車董諸田戶斂我唐典藝夫周舊別農郊於
沃墾貫流備於版圖何疑於萊田之征而失於閒人之職

豈徘徊中曲候周郎之顧將疑後素招子夏之詞然乃疆
名旣訓嗇業須分上下宜繫井邱有蓄而畲均其易歲自
門及野化以同人若未給於棠陰或恐隨於蓬轉惡夫外
臺徵稅尚起異門客戶請移方徇常職且禮有恒斂豈宜
據於故人改執事何必越於鄉寘加於刑便以愛羊廢禮
立案爲限知其爲蛇畫足必也政宏通變人急遷移稅錢
或致於所收州縣難辭於爲擾事未重詰愚或痛諸而執
簡書刑使不若凶年人散省其謂何現在甄詳方可鑒定

對損名馬式直講考經判

損名馬式又直講請考專經

六藝式崇執馭爲重九流分派經明可尚執鞭投策先古
所宗聞道尊儒禮訓攸著凝想攸乙思所出羣瞻言於丁
學優而仕規玉臺之妙式遠求名馬崇金篋之奧義載想
蹲龍故得權竒之形事光於鎔鑄切磋之道譽闡於膠庠
紫燕雲飛影弄珂前之雪青衿日就來呈席上之珍旣而
欲騁長途遂得榮參直講且乙之無故或至損傷丁以有
功理宜褒進免科已從寬宥合賞須卽告知職司旣在專
經可得更邀他伎判放之筆詎曉通途告濫之詞未爲高

見

對父友操杖諸母激裳判

得甲造父友操杖從之友將爲謀已命子毆之
又乙脫犢鼻裍命諸母激之庶弟告違禮

凡適於尊必聞操杖欲敬諸母豈可激裳見父之執雖退
讓而明禮逢彼之怒遂嫌疑而未防且掛竿之資誠爲穢
服几杖之類克謀長者將害已而令毆此已負人取諸衣
而見滌亦彰無禮子承父命或迫嚴顏季論昆非攸乖禦
侮一未離於飛鳥兩難漏於吞鯨